



佛說天王太子辟羅經

景

僧祐錄云闍中異經今附秦錄

聞如是一時佛在舍衛國祇樹給孤獨園天王太子名曰辟羅飛從天來下至佛所五體投地稽首足下却又手住問佛言普世之人皆求衣食七寶諸樂官爵國土寧有實行求人不在乎世尊歎曰大哉問也亦有國土珍寶諸欲行求索人辟羅又曰可意之願行求人者其義云何世尊即曰凡有二行行善有福行惡有殃殃福退人猶影隨形辟羅言善哉善哉實如佛教惟我前世處世為王念命无常意欲報施群臣普會王曰吾欲作大鼓今其音震聞百里能有為之者乎眾臣僉曰臣等无能為者有一目名曰匡上常忠於上慈濟國民前對曰臣能為之當須資費王曰大善即開藏付之因輦寶於王宮門鳴鼓令之今天仁之王施蓋慈欲濟黎民之窮乏供道士之衣食若有乏者志詣宮門四國乏者襁負相扶填國塞路仰

天王太子辟羅經 第二張 景字手

天歎曰人民窮者今得活哉一歲之後王有詔曰鼓成未乎對曰已成王言何故不聞其聲臣白言願明王勞屈聖體出臨國內聽佛法鼓聲震十方王即嚴駕出行國中其民比肩王曰民多乎對曰王前勅臣令作大鼓使聞百里欲以揚德聲于四遠臣念枯木死皮不能揚王之德譽臣所受寶供沙門梵志之衣食以濟國民之窮乏也布告之來四鄰歸潤猶飢子之慕慈母王問民曰亦從來乎民稽首曰百里來者二百里万里外來者咸曰明王大潤四國欣澤是以去舊土之所生慕潤澤以自濟也王曰善哉吾者矣國之不安猶身有病吾救之以藥臣飼之以糜粥王曰黎民所求恣之無吝聞矣王後壽終魂靈上生天上作天眇王天上壽盡下生世間位為飛行皇帝安所出入七寶飛行導從前後今復上天為天王太子所以然者自身持戒覆濟眾生之所到也奉佛教戒正身心行无不獲其福者矣佛告辟羅凡人作行辟若影之

天子太子辟羅經 第三張 景字少
隨身響之應聲無不報答矣辟羅歡
喜作禮而去

佛說天王太子辟羅經

佛說天王太子辟羅經
校勘記

- 一 底本，金藏廣勝寺本。
- 一 三五一頁中二行「僧祐錄云」，[石]無；[磧、晉、南、徑、清]作「安公」。
- 一 三五一頁中七行第一〇字「實」，[石]作「寶」。
- 一 三五一頁中二〇行第六字「施」，[石]作「施無」。
- 一 三五一頁中二一行第一〇字「乏」，[磧、晉、南、徑]作「之」。
- 一 三五一頁下一行第四字「人」，[磧、南、徑、清]作「天」。
- 一 三五一頁下七行第七字「楊」，[石、徑]作「揚」。
- 一 三五一頁下一三行第一〇字「澤」，[石、磧、清]作「懌」。
- 一 三五一頁下二一行末字「到」，[石、磧、晉、南、徑、清]作「致」。